



8. januar 2014

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqutit, akileraarutit pillugit apeqqutit akineqanngitsut pillugit:**

**1. Ulloq 13. december 2013 akileraartarneq pillugu apeqqutikka arlallit Naalakkersuisunut nassiuppakka (apeqqut normu 255/2013). Ulloq 30. december 2013 Naalakkersusiut pappiaqqamik nassippaannga, tassa malunnaarpoq apeqqutit 2-miik 6-mut piaraaluni akineqarsimanngitsut. Matumuuna Naalakkersuisut kaammattussavakka apeqqutikka akeqqullugit.**

(Inatsisartunut ilaasortaqaq Andreas Uldum, Demokraatit)

### **Tunngavilersuut**

Naatsumik oqaatigilara paasigakku, Naalakkersuisut sulinermut ilanngaat pillugu nassuiaasiornissartik kissaatiginngimmassuk. Naalakkersuisut soorunami piumanngikkunik nassuiaasiortariaqanngillat, aalajangerneq pimmat qinigaaffiup kingulliup ingerlanerani. Naalakkersuisulli nassuiaasiortariannginnerat eqqumiigigakku pissutaavoq, 2012-mi amerlanerussuteqartut, Demokraatit maannakkullu Naalakkersuisoqatiginneersut Siumut Atassutillu siunnersuummut akuersinikuunerat. Tamannat tunngavigalugu naatsorsuutigisariaqaraluarpara, amerlanerussuteqartut suli isumaqataanissaat siunnersuummut Demokraatit upernaamut saqqummiuteqqilersaagaannut.

Tamatuma saniatigut pisariaqartippara uparuassallugu:

Aningaasaqarnermut Naalakkersuisup akissummini allatai ukuusut:

*”Nassuiaasiornissaq pillugu aalajangiiffigisassatut siunnersuut ilisimaneqartutut Inatsisartut siuliini akuerineqarpoq aamma innersuussutigineqarput Naalakkersuisuusimasut iluarsartuussinissamut pilersaarutaat:”*

Tamanna ilumunngilaq. Sulinermut ilanngaat Naalakkersuisuusimasut pilersaarutaannut ilaanngilaq. Naalakkersuisut paarlattuanik innersuussutigaat, siunnersuutiga itigartinneqassasoq.

Tamanna tunngavigalugu aammaarlunga Aningaasaqarnermut Naalakkersuisoq qinnuigissavara apeqqutininik akissuteqarnermini paasissutissat eqqortut tunngavigisassagai. Tamannami pisussaaffigaa Naalakkersuisut akisussaannerat pillugu Inatsisartut Inatsisaat naapertorlugu.

Apeqqutima 2-miit 6-mut akineqarsimannginnerat pillugu Aningaasaqarnermut Naalakkersuisumut inussiarnersumik eqqaasitsissutigissuara, akuerineqarsinnaanngilluinnarmat akiumannginnera. Inatsisartuni ilaasortaqaq apeqquteqarpat Naalakkersuisunut ilaasortaqaq pisussaavoq akissuteqassalluni. Asuli puussaarluni oqalunneq atorfissaqanngilaq oqarluni iluarsartuussinerit aallartissimalljugit. Apeqqutikka tamarmik naatsukullannguupput, ersaripput akisariaannaallutillu.



Atagu Akileraartarneq Tunjuinerlu pillugit Isumalioqatigiisitat Akileraartarneq pillugu tunuliaqutaasumik nassuiaataat ullulernerqarsimasut 2011-mi martsimi innersuussutigilara. Tassa takunerqarsinnaavoq inuiaqatigiit 7.484.000 koruunit aningaasartuutigineqartartut, sulisartut kattuffiannut akiliutip akileraarutitigut ilanngaatigineqartarnera pissutaalluni. Tamanna apeqqutinnut 4-mut akissutaavoq – kissaatigiinnarpara paasissallugit kisitsisit nutaat, Akileraartarnermut Tunjuinermullu Isumalioqatigiisitat kisitsisaataat 2009-meersuummata. Taamaattumik akissuteqarnissaq Aningaasaqarnermut Naalackersuisup oqaraluarnertut pisariunngilaq piffissartornaranilu.

Aamma Aningaasaqarnermut Naalackersuisuusimasumut Maliina Abelsenimut ajornarnikuunngilaq naatsorsussallugu, ulloq 1. januar 2013 aallarnerfigalugu atuutilersoq akileraarutininik appaaneq inuiaqatigiinnut 72 mio. koruuninik akeqartussaasoq. Taanna apeqqutinnut 3-mut akissutaasinnaavoq, paaserusuinnarpakkali kisitsisit nutaanerit.

Paasisinnaanngilara kisitsisit Maliina Abelseip imaaliallaannartagai sooq Vittus Qujaukitsumut taama ajornartiginersut.

Apeqqutit akeqquneqarput ullut suliffiit naliginnaat qulit iluanni.